

æek
22.korrika

1. ALBISTEA

2021/11/17



A1
MAILA

Badator 22. KORRIKA!

Hiru, bi, bat... eta, ekin! Elkarrekin!

HITZAREN

Amurriotik Donostiara

2022ko martxoaren 31tik apirilaren 10era

Irudia (AEK): 22. KORRIKA aurkezpena Donostiako San Telmo Museoa



Hamaika galdera Asier Amondo Gorostizaga KORRIKA arduradunari¹

Zer da KORRIKA?

Asier: KORRIKA lasterketa erraldoi² bat da, euskararen aldeko³ jai handi bat.

Aurtengo KORRIKA normala izango da?

Asier: Bai, gure ustez, bai! Betiko KORRIKA izango da!

Zein da KORRIKAREN helburua⁴?

Asier: Bi dira helburu nagusiak: euskararen erabilera⁵ eta ezagutza⁶ bultzatzea eta euskaltegiak ekonomikoki laguntzea⁸.

Nork antolatzen⁹ du KORRIKA?

Asier: AEK-k antolatzen du.

Noiz izango da 22. KORRIKA?

Asier: 2022ko martxoaren 31tik apirilaren 10era.

Hamaika egun gelditu gabe¹⁰?

Asier: Bai. Gaez, egunez, euripean¹¹, elurpean¹²... beti korrika.

Nondik nora joango da?

Asier: Amurriotik Donostiara.

Zenbat kilometro izango dira?

Asier: 2.000 kilometro baino gehiago¹³ izango dira.

Zein da KORRIKA kanta?

Asier: Oraindik¹⁴ sekretua da. Abenduan entzungo duzue.

Eta nor omenduko¹⁵ du KORRIKAK?

Asier: Pirritx, Porrotx eta Marimotots omenduko ditu.

Zer da "Hitzekin"?

Asier: "Hitzekin" KORRIKAREN leloa¹⁶ da. Bi hitz ditu: "Hitz" eta "ekin¹⁷". Mezu¹⁸ hau da: Euskarari ekin, hitzekin!

Nola hartzen da parte¹⁹ KORRIKAN?

Asier: Modu asko daude: korrika eginez, KORRIKA kulturean parte hartuz, KORRIKA batzordeetan²⁰ lan eginez, KORRIKA-LAGUN eginez...

Hiztegia

¹ Arduradun: responsable

² Lasterketa erraldoi: carrera gigante; course géante

³ ...-ren aldeko: a/en favor de...; en faveur de...

⁴ Helburua: objetivo; objectif, but

⁵ Erabilera: uso; usage, utilisation

⁶ Ezagutza: conocimiento; connaissance

⁷ Bultzatu: impulsar; promouvoir, soutenir

⁸ Lagundu: ayudar; aider, soutenir (financièrement)

⁹ Antolatu: organizar; organiser

¹⁰ Gelditu gabe: sin parar; sans s'arrêter

¹¹ Euripean: bajo la lluvia; sous la pluie

¹² Elurpean: bajo la nieve; sous la neige

¹³ Baino gehiago: más que...; plus que...

¹⁴ Oraindik: todavía; encore, pour l'instant

¹⁵ Omendu: homenajear; rendre hommage

¹⁶ Lelo: eslogan; slogan

¹⁷ Ekin: abordar, ponerse a; entamer, commencer

¹⁸ Mezu: mensaje; message

¹⁹ Parte hartu: tomar parte, participar; prendre part, participer

²⁰ Batzorde: comité; comité organisateur





Asier Amondo, KORRIKA arduraduna
(Laudio, 1969)



1. KORRIKA
(1980, Oñati-Bilbo)



Pirritx, Porrotx eta Marimotots
22. KORRIKAREN omenduak (Lasarte)



20. KORRIKA Landa eta Marieta herrien
artean (Araba)



KORRIKAREN lekukoa. Barruan,
mezua gordetzen du.



KORRIKAREN amaiera
(21. KORRIKA, Gasteiz)

► **Azpiratu forma zuzenak, eta gero erantzun: egia ala gezurra dira?**

Subraya las formas correctas y despues responde: ¿son verdaderas o falsas?
Soulignez-vous les formes correctes, et puis répondez : sont-elles vrais ou faux?



E G

- 1. Aurtengo KORRIKA **normala izan / izaten / izango** da, antolatzaileen ustez.
- 2. KORRIKA **ikastola / ikastolak / ikastolek** antolatzen dute.
- 3. KORRIKA **udaberriko / udaberritik / udaberrian** etorriko da.
- 4. KORRIKAREN leloa "Elkarrekin egingo **da / dit / dugu**" da.
- 5. KORRIKA Donostian **hasi / hasten / hasiko** da, apirilaren 10ean.
- 6. Azken KORRIKA **Gasteiz / Gasteizen / Gasteizean** amaitu zen.
- 7. KORRIKA gauez **gelditzen da / gelditu du / geldi du**.
- 8. Lehenengo KORRIKA **Oñatiko / Oñatitik / Oñati** Bilbora joan zen.
- 9. KORRIKAK euskaldun **guztia / guztiak / guztiek** omenduko ditu.
- 10. Pirritx, Porrotx eta Marimotots **Lasartekoak / Lasarterenak / Lasartekoak** dira.

PROZEDURA:

- ▶ KORRIKAz zer dakiten galdetuko dugu.
- ▶ Bideoa¹ ikusi, eta irudien laguntzaz, KORRIKA zer den ez dakitenei oinarrizko azalpenak eman eta lehen albistea aurkeztuko dugu.
- ▶ Bakarka, elkarrizketa irakurri, eta ariketa egingo dute (2.-3. or.).
- ▶ Ondoko ikasleekin egindakoa alderatuko dute, eta elkarri zalantzak argitzen saiatuko dira.
- ▶ Talde handian zuzenduko dugu.

Erantzun zuzenak (azpimarratuta):

1. Aurtengo KORRIKA normala izan / izaten / **izango** da, antolatzaileen ustez. EGIA
2. KORRIKA ikastola / ikastolak / **ikastolek** antolatzen dute. GEZURRA
3. KORRIKA udaberriko / udaberritik / **udaberrian** etorriko da. GEZURRA
4. KORRIKAren leloa "Elkarrekin egingo da / dit / **dugu**" da. GEZURRA
5. KORRIKA Donostian hasi / hasten / **hasiko** da, apirilaren 10ean. GEZURRA
6. Azken KORRIKA Gasteiz / **Gasteizen** / Gasteizean amaitu zen. EGIA
7. KORRIKA gauz **gelditzen da** / gelditu du / geldi du. GEZURRA
8. Lehenengo KORRIKA Oñatiko / **Oñatitik** / Oñati Bilbora joan zen. EGIA
9. KORRIKak euskaldun guztia / **guztiak** / guztiek omenduko ditu. GEZURRA
10. Pirritx, Porrotx eta Marimotots **Lasartezkoak** / **Lasarterenak** / **Lasartekoak** dira. EGIA

- ▶ Amaitzeko, solasaldia egingo dugu. Eskolan adi egon ote diren ikusteko eta solasaldia egiten laguntzeko, pantaila handian galderak eta irudiak ikus ditzakegu². Nahi izanez gero, "txapelketa" ukitua ere eman diezaiokegu: ikasleak binaka jarri, puxtarriak banatu... Galderetan, ikusitakoaren erreposoa topatuko duzue. Gura izanez gero, 1. albistearen titularrak³ ere ikus ditzakezue.

"LEXIKO BERRIA IKASTEN" JOKOA**Jokoaren helburua**

Testuan agertuko den lexiko berria ikasteko, ETB1eko *Mihiluze* lehiaketa ezaguneko *Tribuaren* *berbak* jokoaren prozedurari jarraituko diogu. Beraz, jokoaren helburua izango da hitz guztien esanahia jarraian asmatzea.

Jokoaren arauak

- Ikasleak talde txikitari banatuko ditugu.
- "Lexiko berria ikasten" PDFa ordenagailuaren edo telebistaren pantailan jarriko dugu. Jarri dokumentua "aurkezpen" moduan, pantaila osoa bete dezan.
- Klik eginda, hitzak eta esanahiak agertzen diren lehenengo orrira igaroko gara, eta hasiera emango diogu jokoari. Orri horretan, pantailaren ezkerrean, hamaika hitz agertuko zaizkigu euskaraz; eskuinean, aldiz, hitz horiek gaztelaniaz eta frantsesez.
- Lehendabiziko hitza azpimarratuta agertuko zaigu. Lehenengo jokalaria esan beharko du hitz horrek zer esan nahi duen, eskuineko hitzen artean aukera eginez.
- Aukera bakarra izango dute jokalariek hitza asmatzeko. Asmatuz gero, klik eginda hurrengo orrialdera joango gara. Hortxe erantzuna ikusiko dugu, eta hurrengo hitza azpimarratuta agertuko zaigu.
- Hitzak asmatu bitartean, jokalariek beren txandari eutsiko diote; hitzen batekin okertuz gero, aldiz, hasierako pantailara itzuliko gara, eta hurrengo jokalarien txanda izango da.
- Jokalari batzuek, jarraian, hitz guztien esanahiak asmatzen dituztenean, irabaziko dute jokia.

¹ Bideoa: "21. KORRIKA: Mila esker, Euskal Herria!" <https://www.youtube.com/watch?v=WcOFegbaW6A>

² Ikusi "Solasaldirako BADATOR KORRIKA.pdf", ("odp" dokumentua ere eskura duzue, editagarria).

³ Ikusi "1 albistea TITULARRAK.odp" dokumentua, pantaila handian ikusteko pentsatua. Aurkezpen-moduan ikusiz gero, titularrak "efektuekin" ikusiko ditugu. Bestela, "1 albistea TITULARRAK.pdf" ere eskura duzue, nahiago izanez gero.